

欽定全唐文

欽定全唐文卷八百五十八目錄

楊凝式

料度齋宮事件奏

韭花帖

大唐故天下兵馬都元帥尚父吳越國王諡武肅

神道碑銘

并序

邊蔚

請改樂舞名疏

李知損

請禁錮王昶使人林恩鄭元弼奏

陳鹽法利弊疏

請禁宰耕牛戰馬疏

欽定全唐文卷八百五十八

楊凝式

凝式字景度華陰人昭宗朝舉進士再遷祕書郎梁開平
中累遷考功員外郎後唐同光初歷給事中史館修撰明
宗卽位拜中書舍人長興中歷右常侍工戶二部侍郎清
泰初遷兵部侍郎晉天福初以禮部尚書致仕開運中除
太子少保分司於洛漢乾祐中歷少傅少師周廣順中以
右僕射致仕顯德初改左僕射又改太子太保致仕卒年
八十五贈太子太傅

料度齋宮事件奏

諸祠祀之所並無齋宮遣前染院使周重興監造與畱司計會具料度事件以聞其太廟郊社要補葺處仍便檢計

韭花帖

晝寢乍興朝飢正甚忽蒙簡翰猥賜盤飧當一葉報秋之初乃韭花逞味之始助其肥羴實謂珍羞充腹之餘銘肌載切謹修狀陳謝伏惟鑒察謹狀

大唐故天下兵馬都元帥尚父吳越國王諡武肅

神道碑銘

并序

聖朝神武文德恭孝皇帝御極之七載歲在執徐三月二十八日天慘東南星昏牛斗惟靈臺之觀祲慮吳鄉之薄祐還九夏之生魄覽萬里之飛奏當青帝之迴時果真王之歸壽何國不幸而殄瘁於此辰謂天無私乃殲奪於茲晝聖上投袂震駭當宁惻怛雪泣盈於重瞳視朝廢於丹禁以爲鋒摧倚天劍柱折不周山愴宸衷於既往增寵章於未備司禮以之考儀執事其無安位或贈襚以軫悼或易名以昭賁將作監李鍇銜吊祭之命有加於賄賂太常博士段禹等議始終之蹟定諡爲武肅贈旣絕於人爵葬

乃錫其王禮睿思聖感星繁波委煌煌焉冠今古而無儔
穆穆焉充區宇而何已尚嫌爲王稱霸之雄命世誕生之
德簡冊雖著金石未刊豈使太邱延陵翻存不朽之跡沂
山峴首獨彰可久之文非好辭無以敘元勳非貞珉無以
輝億載廢而不舉闕孰甚焉遂詔工部侍郎楊凝式曰爾
以儒素簪裾嘗爲我左右侍從謏論之稱人謂爾宜匡合
之功爾爲子誌俾披文仰止等高大於崑邱垂裕無窮掩
絲長於淮水臣凝式百拜稽首仲宣體弱馬卿思遲寅奉
絲言俯伏金紱徬徨憂畏凌兢周章荷明天子旨當大手

筆挾泰山而越滄海猶或云易染柔翰以勒丹碑孰敢無
愧僂俛述作採摭幽祕訪小說於稗官徵實錄於史氏謹
肅然奉詔斐然抽思蓋聞雷雨方作天機發而龍蛇起象
緯騰秀星精降而賢哲生百六草昧之時九三經綸之際
海縣則雲蒸霧湧雄傑則虎變鷹揚日月爲之昏霾山河
由其分裂或力侔八柱或敵號萬人或水灌晉陽或泥封
函谷召兵車之會上落欒槍啓國社之崇旁開分野鬼神
叶力河岳同功攝干將而佩烏號瞰扶桑而擘濛汜望高
於周召業盛於桓文越前代以成家冠羣后而爲德者吳

越國王蓋其人也王姓錢氏諱鏐字具美杭州安國人其先出自黃帝武德中陪葬功臣潭州大都督巢國九隴之八代孫由軒后而疏宗本枝已茂因彭祖而受姓祚允彌興或仕宦移家烏城成其舊地或精神滿腹晉室重其英聲騰實家牒傳芳肉譜乃江南之大姓固海內之強族大王父沛宣州旌德縣令累贈吏部尚書王父宙累贈太尉烈考寬威勝軍節度推官職方郎中遷禮部尚書賜紫金魚袋累贈開府儀同三司太師皆代有馴行世濟偉人宣慈惠和溫良恭儉垂芳餌以釣國偶乏良時積陰德以貽

孫遂開洪緒王則太師之長子也五行鍾秀四氣均和白
雲起於封中丹霞呈於日側地不愛寶賢惟間生吉夢先
來既享鈞天之樂壯心未遂常爲梁甫之吟識者多奇衆
皆暗許乃人中之瑞實天下之雄虎踞龍盤江山爲之作
氣鷹麟鳳喙英傑以之成形由是元悟神姝應期靈叟罔
久事於筆硯思在屬於囊鞬遂罷計偕言參戎律鷺鶴鳥
雲之勢堪輿風角之術洞若生知宛如神授雖陳相出奇
祕風后善狐虛與之同年雅有慙德屬時艱已甚天隙方
開值庚子之亂離同戊辰之倣擾入夜則日高三丈當參

則暈結七重見蚩尤之張旗逢王良之策馬人烟斷絕原
野有厭肉之謠山嶽沸騰黎庶無息肩之地兵興之苦江
東尤深王以出衆之才膺冠軍之號八都倡義張正正之
旌旗一呼連衡結堂堂之行陣深明去就多識變通或開
君子營或坐將軍樹斬嚴殺厲孰爲貞律之師靖亂平妖
獨有勤王之志時彭城漢宏亂常干紀負濬憑嶮刻孫述
之僞文采齊巫之狂說晝伏夜動豕突鯨吞爲患滋多尋
戈未已王刑牲釁鼓按劍陳師若李廣之飛來效賈復之
深入長風破浪得餘艗於水中利刃椿喉取螯弧於城上

士怒未泄賊壘俄平有壯戎容遂光霸業不久仙芝竊發
黃巢暴興心态豺狼牙磨猘獠盜淮南之郡邑爲世上之
瘡痍人苦倒懸力疲奔命王英謀電發銳氣星馳應高駢
之羽書舉臨安之組甲舳艫所至烈火之燎鴻毛旌旃所
及太華之壓烏卵國家方虞多壘克賴蓋臣併錄奇功遐
頒好爵乃命爲杭州刺史尋移潤州鎮海軍額授節制焉
名登王府位列侯藩雨露方濃聖主願觀其畫像鄉閭不
改故人皆羨於畫行昔王與董氏爰在初服同興義旅定
神交於擾攘陳大節於匡扶酒染血鍍共結忠貞之誓心

明河水長存慷慨之詞對壘握兵夾江爲郡言猶在耳董
已渝盟幸乘輿順動之時假圖讖不經之語嬰城自固竊
號稔奸王執銳披堅瞋目張膽令如時雨勢若疾雷橫金
鼓以指妖巢揮羽扇而蕩強寇睂皆見軾大陵爲之無光
首盡奔闕一京觀由是特起時三精上躡萬乘西巡王報

國推心誓江立志獻戎捷而自遠問官守以無虧多難識
忠臣疾風知勁草昭宗聞名早歎見節彌嘉得竇融於西
河旣寧天保倚安國於東界尋輟宵衣遂命兼領越州仍
頒鐵契丹青示信帶礪言盟列在世家藏於宗廟慶天門

之奇士纔督八州畫雲臺之功臣不過四縣論德則彼或
無取較寵則斯實居多自此外繕甲兵內修耕織好賢寶
穀親仁善鄰張管子之四維樹周書之八枳開拓疆宇延
任英豪謀無不臧人思盡力五蛇爲輔遂隆霸主之基九
武訓戎屢喪敵人之膽廢興由其指顧遠近憚其威聲况
俯接閩川遐通楚塞瑯琊則時稱賢帥扶風則世號寵王
皆戰艦凌空征旗蔽野據東甌而保大處南海以稱雄莫
不欣接犬牙請徵於盟會願爲龍虎以詫於輔車而乃揚
氏阻兵據廣陵作梗繼渝鄰好屢警邊烽頃常全率車徒

擅侵封部王妙陳三覆宏肆七擒纔揮善戰之師遽見數
奔之衆示武經而戡定取戎首以凱旋尋乃玉磬請和銅
盤受制初聞釋憾還君子之鍾儀無復當鋒見人傑之韓
信疆場自謚方畧特高精貫元穹義形霜雪總中權而作
翰陳左袒以輸誠許國致君不渝於金石獻琛奉贄罔限
於高深固得三鎮節旄千里疆土令僕調鼎之重師保論
道之尊生祠列康衢畫戟羅私第備隆徽數仍啓全吳輶
軒旁午於道途綸誥葳蕤於藩屏名垂信史功在景鐘近
世以來求之未得及梁園興僭皇運中微前在列藩敦魯

衛之兄弟洎當新室修秦晉之婚姻殊禮游加積功是仰
王以爲時有否泰道屬汗隆明且未傷義無或爽乃受其
尚父守尚書令之命尋加天下兵馬元帥莊宗皇帝參墟
振翼牧野成功應黃星以御宏圖仗白旗而行大戮九江
旣導江漢於是朝宗七曜重新天地以之貞觀乃眷星紀
時惟國楨定傾之碩畧遐彰蓋世之宏勲斯在再造之始
大典將融唐堯之光宅未遑周武之下車興會超於徽數
簡自聖心遂命有司擇日備禮冊爲吳越國王賜金印玉
冊臨軒遣吏部侍郎李德休往行冊命尚父守尚書令天

下兵馬元帥如故大矣哉若是之禮也昔武王問師尚父曰三皇五帝之道存乎師尚父曰在丹書乃齋戒端冕西面道丹書之言武王拜而受之此尚父之事也周禮王者以六轡御天下又李固有言曰北斗爲天之喉舌尚書亦天子之喉舌令也者總是六官納於百揆爲大化之本居會府之宗此尚書令之職也昔太公賜履五侯九伯實得征之又授晉文大輅戎輅之服彤弓旅弓之數命之曰以綏四方紂逃王慝此元帥之謂也成王以周公爲有勲勞於天下封於曲阜地方七百里革車千乘命之以禮樂旌

旂言廣魯於天下此立國之道也高皇漢法無尺土之封
故大封同姓又刑白馬爲盟有非漢世而王天下共擊之
此重王之義也有一人於此人猶貴之而五事在躬四方
拭目名器莫之大也功業莫之高也人臣莫之比也豈不
謂非常之人而有非常之事者乎皇帝西京立議北極居
尊執大象以臨人宅中州而撫運重熙累洽端拱垂衣恨
七聖之迷途未還淳朴樂三王之無事高謝干戈而內注
宸襟遐思列土坐明堂而布政稱伯舅以圖勲特下天書
遐頒驛騎顯舉不名之典愈宏敬老之文王戴舜彌堅尊

周益至苞茅縮酒恒共於闕宮葵藿向陽不違於黃道屬
天禍吳越疾在膏肓未及浣腸之醫遽聞含玉之賜桑田
忽變悲夫橫海之鱗霜露俄高已失蟠桃之樹嗚呼哀哉
薨於正寢之日享年八十有一理命諸子曰吾遭乾綱墮
地之時爲雄豪所推服奮臂起義爲國朝除暴亂屢蒙以
功進律賜壤賜圭天寵所臨辭不獲命至於憂愧在位尊
獎王室不敢以貴驕人不敢以功自伐爾曹亦見之矣且
知足不辱道宗明誠吾謝之後慎勿踵吾之跡惟忠爲令
德可以長有富貴諸車服府舍有過制者悉命撤去之無

存王庭之儀當可奉而行也天子聞而歎悼之以長興五
年歲次甲午正月壬申朔十一日壬午葬於吳越國杭州
都督府安國縣衣錦鄉勲貴里禮也公室豐碑既遵遠日
珠襦玉匣永閉佳城臨水流闕之祥邢山高顯之勢風急
雲愁自昏闕整題湊以將歸揭素旗而先遠湮波闕一暮
田橫之薤露淒涼闕一氣歸天周勃之闕一簫嗚咽王闕二
字紹闕二叔王侯代歷累朝時更五紀處至崇之位著不
賞之功必得其祿必得其壽子孫保之祠廟享之其福德
也如此保定功建邦啓土四海膏腴之地六朝文物之

鄉握貔貅以主諸侯控江山以尊天子昔秦伯斷髮端委以開吳句踐嘗膽辛勤而霸越舉一羽之策兼三國之雄其霸王也又如此洗兵海島振旅江城戈船蔽於長洲戎輅盈於構李盛氣而風雲迴合援枹而山岳動搖以此摧敵何敵不陷以此守土何土不興其強大也又如此

闕四字

地利天時章郡積於青銅海陵厭於紅粟決渠降雨鄭國不足語其豐連袵成帷臨淄不足論其衆其富庶也又如
此麟趾公子不下百人鳳穴羽儀皆居五等或對昇鼎鉉
或俱列土茅比屋未蘇則任棠水薤鄰兵尚熾則鍾會戈

予所以生在謝庭

關四

遊於豐市但見公侯其允緒也又

如此八千子弟昔且散亡五百功臣今稱

關二

成及奮爪

牙之力建徽獻腹心之謀故得帳下偏裨皆持瑞節幕中
賓客盡陟齋壇其將佐也又如此廣明之後大亂相仍朝
廷有失鹿之虞鑾輅見逐螢之窘蜂飛蝟起幸殷室之邱
墟霧集颺馳問周鼎之輕重義士猶或失節奸雄俱已搖
心王能運機籌不迷風雨偕程昱之捧日兼以梯航類袁
安之憂時形於涕泗其忠蓋也又如此以寡敵衆背水囊
沙說禮樂而敦詩書擊東南而備西北取薛朗如摧朽敗

徐約若建瓴臨變生機圖難於易張子房之帷幄頓覺空
虛謝安石之棋枰不爲慮遠其韜畧也又如此愛如父母
政若神明雖左右咸見於得人而大小多聞於躬決棄申
韓爲末造實黃老爲上科法簡秋荼威收夏日遂使吳中
子弟羞論磔鼠之才浙右封陞杜絕成牛之氣其善改也
又如此虛心應物屈已臨人船問關四齊關三郊碣石之
宮纔聽商歌卽吐麒麟之哺未加楚醴不張瑋瑁之筵其
待士也又如此律呂笑談文章草隸縱橫自得冠絕時人
雖復觀周樂之知音卻衛軍之大辨顏延之雕績滿目張

伯英筋肉俱全

闕一字

不能聽而吞聲面牆而閣筆

闕二字

屢

闕一字

一篇迦葉

闕一字

監多存真跡其才藝也又如此雅洞真

荃居爲外護慕佛乘之妙道割天性之深慈法相太師子

妙雲太師女也旣脫屣軒裳拂衣羅綺謝有爲而宴坐悟

闕一字

利以出家於是對權慈舟雙興

闕一字

殿山陰都講時

間出於空門剡縣相

闕一字

飛

闕二字

於貝葉其崇信也又如

此浪起海門潮衝羅刹若天網之彫察震地軸以連軒雷

公翻然其憑凌犀炬莫窮其怪異王激拔山之志踵立埭

之規百萬爲徒晝夜交作塞洪波而爲大陸排巨浸而廣

名區輕塵不飛失

闕字

胥之憤氣長川罷拔雪精衛之寃

心其神

闕字

也又如此不變荆榛廓開衝要旣冠山而構

臺閣又巨野以啓郊鄂飛甍上拂於招搖賴壤旁吞於塊

圮率由心匠似匪人功厯九土之繁華

闕字

方巨麗覽八

都之詞賦不遠宏規其創業也又如此五十年之生聚一

千載之井田德澤仁風家至戶到方安福地遽失藏舟莫

不走羣望以無階蒞哲人而有慟興謠輟想悲深子產之

亡罷市冰鬚痛極羊公之謝其遺愛也又如此今復起雲

麾鎮海鎮東等軍節度使新授守中書令元瓘紀地四瀛

麗天

關二
字

應龍得水雕虎生風

關一
字

引可大之年聞詩聞

禮荀羨中書之歲且公且侯知機元悟於寶花好德早承
於良冶雅通金匱屢坐寅車振妙算於中堅過驚廳於四
面英華外散和順內凝中嶽稱其降神左氏書其有後皇
帝得之巨屏既若長城聞觸地以無容念分閭而何寄難

關三
字

制書墨晉侯之斬纜從魯公之金革疇庸疏爵仍正

位於黃樞移孝資忠又增華於禱旆自天降命延賞推恩
九霄之寵詔星飛一境之歡聲雷動今復起中吳建武等
軍節度使檢校太尉兼中書令元璪久臨

關一
字

部克著嘉

欽定全唐文

卷八十五

楊凝式

十一

猷雖情厚

闕五字

拘金阜今起復靖海軍節度使檢校太傅

元瓚早秉圭符遙分節鉞方藉求瘼難避奪情並奕世勲

名同時將相雖元成繼美襲鳳詔以持衡紀隲承家賜雲

屏而隔坐未足多也又何加焉其紹續也又如此至於立

德立言允文允武宏五霸之畧垂萬世之

闕五字

遂道全經

緯英概必舉振古莫儔自列國以來未有如吳越國王者

矣夫如是則隘燕然之石未可殫書罄嶰谷之筠不能盡

紀臣凝式胸中學淺日下名輕敘事多謝於子長待詔有

慙於徐樂恭承睿旨從事斯文每懷響而必彈庶爲陵而

更顯雖五藏在地終非吐鳳之詞而百代可知請俟獲麟
之筆謹爲銘曰

茫茫宇宙悠悠帝先成形在地成象在天有精有粹爲英
爲賢復振勳烈出正危顛三辰不軌四郊多壘運否時屯
風飛雲起鎔鎔耀耀英豪自喜始學龍韜終惟虎視時乃
真王出自軒皇金玉蘊器融結殊祥奮臂有勇其鋒莫當
知機應變取亂侮亡八都義舉羣克膏斧俾爾除殘推我
作主失律斯凶止戈爲武是曰壯師信如是兩漢宏興僞
董氏憑妖徐約屬鼯薛朗咆虓披攘蕩拂果毅戎昭魚爛

於鼎鳥焚其巢明明天子念動

闕一字

古命爲諸侯分茅昨

土忠作唐臣尊稱仲父有赫旂常無忝宗祖累清多難屢
播奇功旣開赤社亦賜彤弓吳越全壤齊晉舊風干雲比
峻負海稱雄年過八十勢高二伯乃子乃孫羅旂設戟惟
天所相不索而獲亮此霸圖光乎史冊一寒一暑如水斯
傾適來適去孰肯忘情香銷玉釜露盡金甕還茲厚宥非
復長生綵幕晨張塗車永去劍履空存杯盤不御今日豐
碑昔時棠樹萬古千秋凝陰宿露

邊蔚

蔚字德昇長安人後唐莊宗伐蜀詔令權領軍府事晉天福中歷開封廣晉少尹少帝嗣位拜左散騎常侍轉工部左右侍郎開運初出爲亳州防禦使入爲戶部侍郎漢初拜御史中丞轉兵部侍郎周祖入立遷太常卿顯德二年卒年七十一

請改樂舞名疏

前朝改祖孝孫所定十二和之名文舞曰治安之舞武舞曰振德之舞今請改治安爲政和之舞振德爲善勝之舞前朝改貞觀中二舞名文舞曰觀象之舞武舞曰講功之

舞今請改觀象爲崇德之舞講功爲象成之舞又議改十
二成今改爲順十二順樂曲名祭天神奏裡成請改爲昭
順之樂祭地祇奏順成請改爲寧順之樂祭宗廟奏裕成
請改爲肅順之樂祭天地宗廟登歌奏肅成今請改爲感
順之樂皇帝臨軒奏政成請改爲治順之樂王公出入奏
弼成請改爲忠順之樂皇帝食舉奏德成請改爲康順之
樂皇帝受朝皇后入宮奏宸成請改爲雍順之樂皇太子
軒懸出入奏允成請改爲溫順之樂元日冬至皇帝禮會
登歌奏慶成請改爲禮順之樂郊廟俎入奏駢成請改爲

禋順之樂皇帝祭享酌獻讀祝及飲福受胙奏壽成請改
爲福順之樂梁武帝改九夏爲十二雅以協陽律陰呂十
二管旋宮之義祖孝孫改爲十二和開元中乃益三和前
朝去二和改一雅今去雅只用十二順之曲祭孔宣父齊
太公廟降神奏師雅請同用禮順之樂三公升殿下階履
行同用弼成今請同用忠順之樂享藉田同用寧順之樂

李知損

知損字化機大梁人少爲藩鎮從事入拜左補闕晉天福
中累遷右司郎中漢初除左司郎中兼侍御史知雜事周

廣順中拜右諫議大夫責授棣州司馬世宗卽位除名配沙門島卒於海中

請禁銅王昶使人林思鄭元弼奏

王昶僭踰名器漫瀆朝廷雖天罰之未行在國章而當正所頒命詔過示寬恩且匹夫犯法之賊尚猶徵納而遐裔不臣之物豈可放還伏請禁銅來人籍沒綱運

陳鹽法利弊疏

臣以前承御札許進言者直書其闕況臣在諫司不敢避事臣近聞衆議云國家將變鹽法有司卽欲宣行竊以諸

道所糶賣鹽令逐處更添一倍委州司量其屋宇均配城
內戶人每歲勒兩限俵鹽隨二稅納價言之雖易作之極
難此法若行甚非穩便然則歷代變法先取其益國利人
前王開基本在於安時恤物設國無所益人不聊生斯乃
害時之理昭然變法之功何有今添配鹽貨資困弊者有
二作敗亂者有三何則念寰海烝民屬梁朝季運困之以
兵革重之以科徭幾經宗社改更刑法變換地經百戰往
年之事力都無室告九空到處之鄉村未復止於州城衆
戶所在貧乏者多臣頻曾守職藩方莫不詳觀利病且常

年城內居戶例於屋稅請鹽比其徵納之時備見艱難之狀以至須勞鞭朴尚有逋懸況所請之數甚微應督之期猶失若以逐州場院鹽貨於合賣數增倍俵之以稅錢均攤則貧富高低而不等以屋宇紐配則盈虛剩少以難齊於功罕全與物爲病其資困弊者一也逐處州府必委官吏行之官雖強明而吏藏姦倖斯蓋必然之理可得而知儻官乏能名吏多欺詐則力不足者重傷於增配家已給者卻獲其輕均是則率百姓而困國家虐貧窮而由胥吏其資困弊者二也且諸州糶鹽收利省司差官置場所掌

者國家之利權安得假厚薄而輒廢所立者國家之法制豈可汙輕重而濫施使四方之人何以取則聞一朝之令孰不見疑散利權於諸州變鹽法於天下俵給不均而民弊徵催不便而民逃國無利而喪權民積困而失業其作敗亂者一也所在之處多有土鹽或煎而食之或藏而貨之流行既深紊亂非細如無告訐莫得追尋若配俵之權憑於官吏誠嚴之法委自藩方則民漸困以何辜國轉虛而何利其作敗亂者二也天下鹽鐵國家大權當重慎於弛張助國家之經費喻河流之不竭同嶽鎮以無傾蓋轉

運所引行之如水禁嚴其固挺之若山豈可緣支用而絕
本源爲迫切而摧重大權衡一失整頓甚難利害再思辯
明極易是則民有害而可救國無利而何圖其作敗亂者
三也困弊敗亂願陛下細而思之審而行之恐不宜以爲
常事而不軫聖慮也大凡錢穀之利祇以聚斂爲能至於
度支之司唯以濟辦爲效殊不知人心小失所憂之事非
常王道大行所悅之方蓋遠臣竊慮有司以配鹽事件敷
奏聖聰必云百姓賒得食鹽半年然後納價國家隨其二
稅頭段徵得鹽錢場院旣免遷延官典更無逋欠民獲其

濟國有所資臣請詰之以解前說且百姓窮困十八九焉
或市肆經營取錐刀宜利至於日食鹽酪辦卽買之偶或
無錢不妨淡食今以半年鹽味配給貧民請歸其家殆非
所濟當俵鹽之日已不欣歡及納價之時可量困躓復有
稅租甚大舍屋頗多骨肉替零家事牢落官中以戶門而
須配本人懼條法以難辭刺請官鹽莫之爲用都徵省債
無足可償以此通民何州不有以此編戶何處不空則是
百姓因之逃亡鹽鐵固所虧失省司指本州本使不管流
移州司追鄰人保人須令攤配如此則已傷殘而重困未

逋逃而復驅益國濟民其利安在蠹時害政不亦多乎所
司或對曰自古理民有利則有害當今瞻國不斂則不充
諫官祇以憂民爲詞不知經國之務臣請再詰以證斯言
夫國家取利之方王者安民之道雖或甚利於國微損於
民聖君尚以割股啗腹而爲言本固邦寧而垂誠何況有
甚害於物而小益於時者乎必欲糶賣鹽錢須要倍於往
日唯宜減落鹽價慎選場官示諭諸州峻整公法凡經半
課利但令逐處較量比及周正必期集事如糶賣倍於元
數課租濟於朝廷則必授以殊資別委主之重務如或所

賣不及於元數所資不濟於朝廷則必顯示斷懲永更不
令任使既鹽價極輕而鹽法甚重則民間不犯而貨易自
通州府以公家在心場院以貞幹爲事自然國有其利民
無所傷與夫配百姓而失經費之資其利害懸於天壤矣
伏惟皇帝陛下每憂勤庶政嘗諮訪羣臣當明君求諫之
秋是微列得言之日

請禁宰耕牛戰馬疏

臣近自作補闕闕員外守刑法之司非諫諍之任雖越
職干議典制固所不容而爲臣事君聞見宜其無隱臣晚

於相國寺內忽覩聚衆殺病瘦馬或說奉旨宣賜臣愚昧
所見竊有感傷大凡天下耕牛不可宰殺有所犯者罪在
無赦國家切有禁防蓋以力耕爲用今之瘦馬抑有前勞
是皆久歷戰征備經辛苦以致筋齒踈尫飲斲細微振奮
莫能廢損及此當於佛寺被衆軍人以布巾蒙其頭大鑿
鎚其胸及剗剗之際爲觀者所傷方今時未銷兵軍非厭
馬木曜方臨於鄭分鑾輿暫幸於梁園誠能迴賜與之恩
亦憫傷之旨矧復京師之內不同營寨之中況軍人米糧
無所乏缺病馬肌肉不濟烹炮伏望明勅所司應有病散

令宣賜要者任便餵養顯示不殺之思念羸牛之力耕猶
存令式恤老馬之苦戰願立新規臣謬列清朝無裨聖運
苟有所見合具上聞

欽定全唐文卷八百五十九目錄

和凝

請置醫學奏

請減明法科選限奏

立四廟議

吳越文穆王錢元瓘碑銘

趙礪

劾奏太子太保王延太子洗馬張季凝托故曠班

狀

胡嶠

陷北記

杜韡

大唐推誠翊戴功臣金紫光祿大夫檢校司徒使
持節衛州諸軍事衛州刺史兼御史大夫上柱
國太原縣開國男食邑三百戶郭公屏盜碑銘

欽定全唐文卷八百五十九

和凝

凝字成績汝陽須昌人年十九舉進士梁義成軍節度使
賀瓌辟置幕府入後唐累遷中書舍人工部侍郎晉初拜
端明殿學士兼判度支轉戶部侍郎天福五年拜中書侍
郎同中書門下平章事少帝嗣位加右僕射開運初罷相
轉左僕射漢祖入立拜太子太保封魯國公周顯德初遷
太子太傅二年卒年五十八贈侍中

請置醫學奏

當貞觀之朝則廣開醫學及開元之代則親制方書爰在
明朝宜遵故事方今暄熯在近疫癘是虞言念軍民宜加
軫閔其邊遠戍卒及貧下農人既難息於苦辛宜偶繫於
疾患地僻既無藥物家貧難召醫師遂致疾深多罹物故
荷戈執耒皆展力於當年問疾賜醫宜覃恩於此日其諸
處屯戍兵士令太醫署修合傷寒時氣瘧痢等藥量事給
付大軍主掌以給有病士卒之家百姓亦准醫疾令合和
藥物救其貧戶兼請依本朝州置醫博士令考尋醫方合
和藥物以濟部人其御制廣濟廣利等方書亦請翰林醫

官重校定頒行天下

請減明法科選限奏

臣竊見明法一科久無人應今應令請減其選限必當漸舉人謹案考課令諸明法試律令十條以識達義理問無疑滯者爲通所貴懸科待士自勤講學之功爲官擇人終免曠遺之咎況當明代宜舉此科

立四廟議

恭以肇啓鴻圖惟新黃屋左宗廟而右社稷率由舊章崇祖禰而辨尊卑載於前史雖文質互變義趣各殊式觀損

益之規咸繫興隆之始伏惟皇帝陛下體元立極本義祖
仁開變家成國之基尊奉先思孝之道言爲軌範動合典
墳起百代之哲王總一時之盛業據禮官議立四親廟允
叶前文

吳越文穆王錢元瓘碑銘

噓唏化北溟而歸南溟者豈籬籬之羽翼行西海而游東
海者非池沼之鬻鱗大鵬搏扶文鯨迅疾一息萬里壯哉
偉哉所以二華截靈河不無擘者六鰲負仙島亦有釣人
豈殊乎傑出一時雄誇千古開桓文之列國襲吳越之真

王況牽牛婺女之奧區允常壽夢之故地犀渠鶴膝俗尚
英豪煮海鎔山人多富庶有九谿六谷之廣通三江四瀆
之饒非間世英奇豈能開創不構非承家賢哲豈能光大
勲門尊長累朝綿聯數世今見吳越國矣武肅王以雄傑
之姿居喪亂之代拂衣雲壑礪劍烟巖立勤勞於六十年
間拓封疆於三千里外名光華夏誓著山河當四境多虞
卽主盟而稱霸及中原甫定卽述職以來廷履行功庸富
貴壽考已載於世家矣王爰居長德早已嗣承益昌家國
之基復積子孫之慶方緊夾輔忽罹淪亡巨嶽其頽上元

不憇英靈謝世德澤在人爰有嗣王克光前烈陳元方序
先君之美胡伯始稱乃父之清乞書無愧之碑願列不刊
之史皇帝孝治寰海仁守寶圖終覽奏章備明哀懇恩殊
常品寵異羣藩爰詔輔臣俾光先正序曰錢氏之系

闕四字

按氏族廣類風俗通曰周禮有錢府上士之官其後氏焉
晉史有錢鳳宋史有錢樂之陳史有錢導戢前朝有配饗
功臣巢公錢九隴近則有翰林學士右丞錢起光前映後
皆見信書列派分枝咸爲著姓曾祖宙累贈太尉尊道貴
德應運適時韞陸瑁之義風包王常之忠節德星聚處早

光陳寔之門仙鶴去時已云孫鍾之貴祖寬累贈太師澡
身浴德著信立誠幼則比其雙珠長則方於三虎簪纓劍
佩生參臺省之資簠簋劍登歿享公王之祭考諱鏐天下

兵馬都元帥

闕四字

尚父吳越國王諡武肅七曜祥光五行

秀氣躬嘗墮於九日夢曾到於八天項籍喑鳴人皆披靡
甘寧警敵已悚惶頃者土德崩離乾綱弛紊當戎馬生
郊之後乃龍蛇起陸之時於是金壁延才英賢畢附豆觴
撫士勇毅爭歸纜思倚柱之謠尋應懸刀之夢苦身焦思
沐雨櫛風戰波浪以拓城隍滅烟塵而靜邊鄙神資福地

民詠樂郊所以翼子貽孫永使尊周輔漢王卽武肅之第七子也諱元瓘字文寶杭州安國縣人也龍章鳳姿金相玉振五色露迴推溫潤九天霞別是輝鮮象弭宏開射雲鴻而中鎬金壺墨涌書巖石以成文智自神傳才由天縱馬鄭將闕一於學校早洞禮經孫吳未演於韜鈴已明兵法薩孤延之沈勇電蕪蚪鬚豆盧績之至誠泉生馬足三時不害六府孔修理民則簡靜居懷恤物則仁慈在念銅斗鐵尺俾列肆以均平魚網兔罝試小民之游惰五稼則分歧合穗萬民則棄戟捐矛每行卓蓋之春復繼緇衣之

美王起家爲鹽鐵發運巡官奏授尚書金部郎中賜紫金魚袋尋以偏裨許再思徐綰等狼心素野鼠首無恒忽構狂謀私邀外寇田頽言惟樂禍志欲朋奸遽興烏合之徒將逞雞連之勢及聊加賞犒卽請敘姻親荀家共舉於慈明郗氏果求其逸少遂請行而赴選用繼好以恤人雖駐危郊益宏善道俟銷釁尋卻歸寧旣自孝以移忠宜經文而緯武承制改其端揆授以親軍左旋右抽每加訓整先偏後伍益顯機謀尋摧貔虎之師遂展鷹鷂之勢於是領吳郡組練破處郡妖狂牲牢纔禡於軍牙露布已懸其

賊首其後邊烽忽舉鄰寇相侵六奇先視於羸師三鼓俄
觀於酣戰纔交鋒鏑大廓氛靈陸征則活擒李濤水鬪則
兼誅渦信既係俘囚而塞路收器甲以齊山邇後欲率鄰
藩同修職貢知不從於藥石遂再動於征鼙王躬領舟師

壓其

闕一字

境威生霆霹光奪雪霜熊羆畫布於江心鵬鶚

旌飛於天面火鎔鎖斷共仗奇謀箭壓舟平咸推敏智鯨
噴駭浪龍吼驚濤擒賊將以尋誅獲戰船而猶在因茲大
捷永絕相侵備奏豐功請覃茂賞自此曾無虛歲紹受明
恩總青旌元燾之權兼黃閣紫垣之秩匡時濟代福國庇

民事父事君惟忠惟孝尚父武肅王疾生六氣莫應兩楹
欲嘗藥以無徵幾絕漿而過毀將茲冥福爰構嚴祠修道
宮於割錦之坊創佛寺於布金之地紅樓紺殿豈殊七寶
之金玉磬瓊鐘不讓五雲之境尋以恭承治命退國稱藩
俯順羣情割哀視事連營受賜比屋知恩給親族以優豐
待友于而敦睦拱極之誠益至勤王之節不渝洎大晉開
基中原無事續整梯航之禮益傾鐵石之心推戴既堅旌
酬亦至封吳越國王授天下兵馬都元帥又授尚書令金
印玉冊

闕一

黻闕一

裳並復世官可明朝獎九重城內解

寶帶以頒宣十二閑中選名駒而錫賚天福六年

闕二王

以弟兄歸任絲竹張筵因抒嘉篇久吟警句別淚已多紅
蠟淚離盃須滿綠荷盃詩罷酒闌情傷疾作其後融風忽
扇烈焰俄烘駭愕旣多虛羸遂甚上池之藥無效聚穴之
香不神至八月二十有四日薨於瑤臺之正寢享年五十
有五卽以七年二月乙卯朔十九日癸酉備鹵簿葬於國
城之南原禮也先皇帝初聞訃奏倍極悲傷久輟視朝厚
頒祭禮王娶扶風馬氏故雄武軍節度使同平章事綽之
女也賢明無對令淑罕儔翫圖史之華著組紉之妙如賓

合禮逮下符詩方緊內助之功忽動早彫之歎手拳魯字
既叶嘉祥腸遶吳門復彰吉夢先二年亮有子十三人嗣
王宏佐粹和正氣嚴重英姿鷓雛著瑞世之文驥子騁睨
雲之步無益之事畧不經心非法之言未嘗出口咸推夙
習共仰老成服周孔之楷模繼曾顏之士行實與門之良
允乃構夏之全材自懼憫凶共傷羸瘵楚棄疾正當拜處
早顯神符孫仲謀未是哭時須從衆議尋知國事經稟朝
恩行慶賜以合人心省科徭而求民瘼而況郭汾陽之將
佐皆是公侯蕭丞相之宗親咸從軍旅同心協力送往事

居市無易肆之誼戶有不局之咏朝廷喜其嗣襲尋降渥
恩便封列土之王用獎克家之子制授宏佐起復鎮軍大
將軍左金吾衛上將軍員外置同正員檢校太師兼中書
令鎮海鎮東等軍節度浙江東西等道管內觀察處置兼
兩浙鹽鐵制置發運營田等使杭州越州大都督上柱國
吳越國王食邑一萬戶食實封一千戶仍賜保邦宣化忠
正功臣次年又加食邑七千戶食實封三千戶仍賜保邦
宣化忠正翊戴功臣長子宏傑温州靜海軍使先一年卒
次曰宏偁東府安撫都指揮使次曰宏侑弓馬諸軍都指

揮使次曰宏傳先立爲吳越世子先一年薨次曰宏侖衙
內諸軍副都指揮使檢校司徒次曰宏堪衙內諸軍左都
知兵馬使檢校司空次曰宏俶衙內諸軍右都知兵馬使
檢校司空次曰宏億衙內諸軍左右馬步都虞候檢校左
僕射次曰宏偓宏儼宏仰並檢校禮部尚書瑤山並秀珠
樹相輝學禮言詩咸聞博瞻彎弧擊劍盡富韜鈴姜被同
歡田荆永茂次曰宏儒爲國披緇法號元悟捨王公之娛
樂就法宇之清幽湯休尚著於文章支遁猶憐於逸駿有
女四人三人各有粉田一人早棲禪宇王惠洽三吳威加

百越近則同趙佗士燮遠則方句踐闔廬服太叔之九言
師宣尼之四教十朝獎重三紀光華擇吉日以宣恩選名
臣而將命癸巳歲命將作監李錯爲起復使戶部侍郎張
文寶吏部郎中張紞爲守中書令使甲午歲命給事中張
延兵部員外郎馬義爲冊封吳王使乙未歲命右常侍孔
昭序駕部員外郎張璠爲冊封越王使丙申歲命禮部尚
書兼太常寺卿李懌戶部郎中姚遐致爲吳越王金印使
戊戌歲命禮部尚書兼太常卿程遜兵部員外郎韋稅充
吳越國王官告使己亥歲命尚書右丞王延司門郎中張

守素充吳越國王冊禮使庚子歲命刑部尚書李懌膳部
郎中薛鈞充天下兵馬元帥官告使辛丑歲命右諫議大
夫高延賞兵部郎中李元龜充天下兵馬都元帥并尚書
令官告使壬寅歲命太子賓客聶延祚吏部郎中盧撰爲
尚書令冊禮使議者以王三端迴著五福俱全且夫體物
緣情才思逸於盧駱象形會意筆法繼於歐虞補芸閣之
舊編著錦樓之新集六角扇羲之讓美五朶雲韋陟慚工
褒之者入雲霄挫之者墜泥滓孰不避王之筆端乎勇可
扶門力能扛鼎燧象燧牛之智屢有成功添竈減竈之謀

累聞破敵射穿蹲甲彈落翔禽著白袍黑稍之威受茲矢
彤弓之錫陸斷犀兕水斬蛟螭孰不避王之劍端乎智周
物表言合機先能悅豫以使人善撫循而感物剛柔有節
語默中規通白虎之羣書繼碧雞之秀辨孰不避王之舌
端乎爰自妙齡至於壯齒聳風姿而岳立蘊氣度以川渟
凡有位而必昇至無官而可授天下之馨香已播人間之
榮樂實多雖未及鮎背雞膚亦已有霜髯雪鬢豈不曰壽
乎鎮千乘之邦食萬鍾之祿明珠大貝輻湊一方霧縠冰
紈雲屯百帑龍猛之金闕一頗小齊奴之錦帳未多採聲

妓於娃宮合絲簧於綺閣豈不曰攸好德乎疾疹雖加襟
懷不撓如浮雲之易散念急景之難停啓手足而保全傳
箕裘而得所豈不曰考終命乎有是衆美夫何恨焉臣素
乏口才仍疏腹稿方愧弼諧之績又虧紀述之能仰奉絲
綸俾銘貞琬辭讓不獲漏畧茲多雖文過江南不及韓陵
之石而恩深浙右必同峴嶺之碑仰副聖慈謹爲銘曰

雲起龍驤化爲侯王鴻騫鳳翥立鷹揚凜然勁氣卓爾
雄銛大名之後五世其昌武肅開基奄有吳越恩洽百城
名馳雙闕旣委招懷復專征伐燾土苴茅秉旄仗鉞尚父

棄代元帥承家傳榮集慶奕葉重葩有典有則去甚去奢
威名烜赫事望光華譚藪縱橫詞源浩渺曹植思遲崔儵
書少月夕花朝猿嶷雁沼筆落綵牋風清綠篠神傳射訣
天富兵鈴龜文月角燕頰虬髯威能伏獸名可愈疔撫衆
以惠待士持謙事必有恒政皆求理扶弱遏強先人後己
但見偃風莫聞狎水阜康烝黎廓清邊鄙量陂素廣德岳
彌高禮延耆舊令肅權豪庭趨忠烈府集英髦講論韜畧
獎勸勲勞自再稱藩益勤述職虔布詔條動遵楷式每陳
貢輸常踰萬億表率方隅匡扶社稷功庸罕對渥澤無倫

禮優伯舅位極人臣鎔金鏤玉龜紐龍綸永言當代莫繼
芳塵禁暴戢兵取威定霸方賴控臨忽聞夢謝雲慘長空
星沈永夜號慟軍民涕泗華夏初聞訃奏尋輟視朝深嗟
旦奭不及松喬倍加贈襚久罷簫韶君臣分至水陸程遙
間傑淪亡英賢繼襲擗踊悲摧無所迨及益務撫循加之
周給人情旣安兵威自戢一方肅靖三世輝榮朝宗事大
誓表傾城欲光家世上奏聖明願書貞石用顯聲名金玉
令人鼓旗良帥德盛功崇文經武緯述之莫窮言之無愧
庶幾乎萬歲千秋人見之而墮淚

趙礪

礪漢乾祐二年爲西京畱臺侍御史周顯德初爲知雜侍御史二年以太常博士權知宿州軍州事坐推劾弛慢除名

劾奏太子太保王延太子洗馬張季凝托故曠班
狀

臺司奉去年四月勅西京畱司官員雖有畱臺點簡故聞多不整齊宜令太子太師盧文紀都更提轄今有自去年五月後至今每稱疾請假最多太子太保王延太子洗馬

張季凝舊例朝臣百日假滿落班簿延與季凝每遇百日將滿卽一度赴拜表行香俱是拜跪不任昨高祖神主祔廟之時畱司班列至彭婆鎮奉迎其主延只到五鳳樓前季凝稱有疾不出陳力就列往聖之明規拜表行香畱司之常務旣疾疢不任於出入筋骸難彊於扶時所宜上稟憲章內思貪冒虔瀝退休之懇用循止足之文雖優宏繫自於朝廷而彈舉敢隳於職業

胡嶠

嶠官邵陽縣令爲宣武軍節度使蕭翰掌書記因隨入契

丹翰誅無所依居契丹七載當周廣順三年逃歸

陷北記

自幽州西北入居庸關明日又西北入石門關關路崖狹
一夫可以當百此中國控扼契丹之險也又三日至可汗
州南望五臺山其一峰最高者東臺也又三日至新武州
西北行五十里有雞鳴山云唐太宗北伐聞雞鳴於此因
以名山明日入永定關北此唐故關也又四日至歸化州
又三日登嶺嶺東西連亘有路北下四顧冥然黃雲白草
不可窮極契丹謂嶠曰此辭鄉嶺也可一南望而爲永訣

同行者皆慟哭往往絕而復蘇又行三四日至黑榆林時
七月寒如深冬又明日入斜谷長五十里高崖峻谷仰不
見日而寒尤甚已出谷得平地氣稍溫又行二日度湟水
又明日度黑水又二日至湯城淀地氣最溫契丹苦大寒
則就溫於此其水泉清冷草軟如茸可藉以寢而多異花
記其二種一曰旱金大如掌金色爍人一曰青囊如中國
金燈而色類藍可愛又二日至儀坤州渡麝香河自幽州
至此無里候其所向不知爲南北又二日至赤崖蕭翰與
世宗元欲相擊遂及述律后戰於沙河述律兵敗而北元

欲追至獨樹波遂囚述律於樸馬山又行三日遂至上京
所謂西樓也西樓有邑屋市肆交易無錢而用布有綾錦
諸工作宦者翰林技術教坊角觝秀才僧尼道士等皆中
國人而并汾幽薊之人尤多自上京東去四十里至珍珠
寨始食菜明日東行地勢漸高西望平地松林鬱然數十
里遂入平川多草木始食西瓜云契丹破回紇得此種以
牛糞覆棚而種大如中國東瓜而味甘又行東至裏潭始
有柳而水草豐美有息雞草尤美而本大馬食不過十本
而飽自裏潭入大山行十餘日而出過一大林長二三里

皆蕪蒺枝葉有芒刺如箭羽其地皆無草元欲時卓帳於此會部人葬太宗自此西南行日六十里行七日至大山門兩高山相去一里而長松豐草珍禽野卉有屋室碑石曰陵所元欲入祭諸部大人惟執祭器者得入入而門闔明日開門曰拋蓋禮畢問其禮皆祕不肯言嶠所目見因述律葬太宗等事與中國所記差異已而翰得罪被鎖嶠與部曲東至福州福州翰所治也嶠等東行過一山名十三山云此西南去幽州二千里又東行數日過衛州有居人三十餘家蓋契丹初虜中國衛州人築城而居之嶠至

福州而契丹多憐嶠教其逃歸嶠因得其諸國種類近云
距契丹國東至於海有鐵甸其族野居皮帳而人剛勇其
地少草木水鹹濁色如血澄之久而後可飲又東女真善
射多牛鹿野狗其人無定居行以牛負物遇雨則張革爲
屋常作鹿鳴呼鹿而射之食其生肉能釀麋爲酒醉則縛
之而睡醒而後解不然則殺人又東南渤海又東遼國皆
與契丹畧同其南海曲有魚鹽之利又南奚與契丹畧同
而人好殺戮又南至於榆關矣西南至儒州皆故漢地西
則突厥回紇西北至嫺厥律其人長大髦頭首長全其髮

盛以紫囊地苦寒水出大魚契丹仰食又多黑白黃貂鼠皮北方諸國皆仰足其人最勇鄰國不敢侵又其西轄夏又其北單于突厥皆與嫗厥律畧同又北黑車子善作車帳其人知孝義地貧無所產云契丹之先常役回紇後背之走黑車子始學作車帳又北牛蹄突厥人身牛足其地尤寒水曰瓠蘆河夏秋冰厚二尺春冬冰徹底常燒器消冰乃得飲東北至韃靼子其人髦首披布爲衣不鞍而騎大弓長箭尤善射遇人輒殺而生食其肉契丹等國皆畏之契丹五騎遇一韃靼子皆散走其國三面皆室韋一曰

室韋二曰黃頭屋韋三曰獸室韋其地多銅鐵金銀其人
工巧銅鐵諸器皆精好善織毛錦地尤寒馬溺至地成冰
堆又北狗國人身狗首長毛不衣手搏猛獸語爲犬嗥其
妻皆人能漢語生男爲狗女爲人自婚嫁穴居食生而妻
女人食云常有中國人至其國其妻憐之使逃歸與其筋
十餘隻教其走十餘里遺一狗夫追之見其家物則銜
而歸則不能追矣其說如此又曰契丹常選百里馬二十
匹遣十人齎乾餼北行窮其所見其人自黑車子歷牛蹄
國以北行一年經四十三城居人多以木皮爲屋其語言

無譯者不知其國地山川部族名號其地氣遇平地則溫
和山林則寒冽至三十三城得一人能鐵甸語其言頗可
解云地名頡利烏干邪堰云自此以北龍蛇猛獸魑魅羣
行不可往矣其人乃還此北荒之極也契丹謂嶠曰夷狄
之人豈能勝中國然晉所以敗者主暗而臣不忠因具道
諸國事曰子歸悉以語漢人努力事其主無爲夷狄所虜
吾國非人境也

杜韡

韡周顯德二年官右補闕

大唐推誠翊戴功臣金紫光祿大夫檢校司徒使

持節衛州諸軍事衛州刺史兼御史大夫上柱

國太原縣開國男食邑三百戶郭公屏盜碑銘

臣聞宣宗知民間之事則曰共理者其臣惟良唐太宗爲

天下之君且云刺史乃我當自擇是知雖皇王

闕一字 統馭

闕七字

子之

闕三字

於事有美有惡難將一馬同歸或隆或污

實類九

闕一字

相遠失人則苛政喻於猛虎得士則善吏

闕二

字

良

闕一字

可不慎乎可不重乎皇帝纂丕圖臨萬有以授

受難乎選以理治急乎才漸行日月之

闕一字

輾成古道終

扇陰陽之炭銷盡兵鋒一日闕一承闕一曰衛州士庶列

狀以聞述去盜之由稱守臣之美宜乎旌其長闕一其闕一

字命之刊勒闕一其闕一光乃勅朝請大夫行右補闕柱

國臣杜韡闕一乃銘之臣虔奉闕一式闕一固闕一仁者

安人斯其至矣盜亦有道其可尚乎矧乃抱奇闕一之闕一

字昂藏之闕一奮迅於平陂綿亘於數闕一誠大丈夫號

闕一太守闕一回闕一竹闕一卦闕一豈同亡闕一麟經闕一

契奔奉之事闕一汾陽公其人也公名進闕一州闕一人

也皇帝卽位之年自登而牧衛維彼商墟闕一任俠自尚

剛壯相沿

闕三字

而

闕一字

疾成風橫綠波而流惡不盡公至

止未幾

闕二字

而思且

闕二字

求中靜乎內而勸乎外

闕一字

身

率下儉於已而便於人未有澄其沙而水之不清去其一

而木之不茂先之以力制次之以德攻化洽於斯何盜

之有公集

闕一字

地

闕二字

於天府一度量

闕三字

謹出納

闕一字

間審重輕之數拔規求之

闕一字

塞

闕二字

之源

闕三字

先去其

闕一字

廩之

闕一字

乎夫馬寒則毛縮魚勞則尾頰物之生也

豈有異哉公能

闕五字

之附益

闕二字

羊之

闕六字

得不謂先去

其杼軸之盜乎

闕一字

之

闕一字

邑

闕一字

乃有經

闕一字

符令則

削煩省督責則息費得不謂先去其簿書之盜乎

闕二字於

日中貨來於天下宏羊適至不韋未歸法前

闕二字

通同抑

有司之侵利得不謂先去其闖闖之盜乎
公人臨事以自

懲貪吏因時而變態於是乎卜要衝之所布

闕一字

論之文

既革面以

闕二字

或洗心而尚晚俄乃付之逮

闕二字

以刑章

夏蟲適性以疑冰夜蛾舞空而赴火或巢摧而梟散或穴

闕一字

以免奔雖沿波之時固討源而是切且拔茅之後恐

連茹以宏多迴思顧望之徒

闕一字

設并容之術

闕二字

化之

勉之撫之安之曰爾胡不盜天時地利以耕鑿超衣食之

源爾胡不盜毛羣介蟲以捕獵求山澤之產或剖石採玉

或披沙汰金取之不爲貪得之不爲竊闕四梁上偷生草

中始務匿藏終貽勦絕明申闕一甲休拘趙禮之兄盡滌

昨非不問展禽之弟於是衆相謂曰嫉惡如讎公於國闕一

字視民如子私於我闕一聞其美言何闕一酬於布帛服

其異政何以答於袴襦由是闕一其闕一知其禁強梁者

遷善返側者銷憂棄戟捐矛卻問農耕之早晚帶牛佩犢

遂勤稼穡之艱難闕一所謂靜乎內而勸乎外儉於己而

便於人者也自然山闕四清里閑戴若思之投劍誰預客

船陶士衡之駐車不言官柳室家相慶上下咸和爾乃闕

字集醯醖而蛟至肉羶闕三適桑土而長謠登春臺而胥

字闕一可以闕一乎孟可以召乎江山下火而爲賁邱園雲

上天而闕一需酒食政旣成矣獎闕一至矣公神闕五沉

字闕十見風雲之氣洞達闕一機命闕一而闕一藉時而闕

字蛟龍遇水闕四鵬鶚乘闕四刺於坊磁又遷於闕一登

銜闕二之才聲華迭闕四鍊轉見晶熒樂至九闕一益聞

清越闕一編清史闕一紀闕五赴童子闕二源流闕一爾

字闕一卿賜三公闕二千載交輝美矣盛矣論者曰闕一之

藏用在乎

闕七字

猛於

闕二字

自

闕一字

熊之後善

闕二字

民垂畏

愛於

闕一字

門流忠孝於昭代闕庭稱

闕一字

風俗自新

闕二字

周有亂臣飜使衛多君子皇帝下

闕一字

書

闕九字

必

闕一字

側帽之

闕三字

效墊巾之

闕一字

其則不遠見賢思齊引而伸

之則

闕一字

知矣紀太

闕一字

而有

闕二字

明府以居多未若當

鈴閣之前於

闕一字

門之

闕二字

之貞玉傳之子孫臣幸

闕一字

近

闕一字

曾

闕四字

鏤

闕一字

而見誚

闕二字

瓦以非工謬承聖主

之恩用播賢臣之美凝神握管空成蚪斗之書拭目披文

不稱

闕二字

之

闕一字

強抽祕思謹作銘云

關八
連珠有爛合璧無關一固本維何在民者矣共理關二

字
擇人而已倬彼郭侯系我成周關三李事異關一劉鄉

曲關三煙關一擊劍引關二弓開霹靂鼓隨畫角關一逐

朱輪誰關三自樂行春始刺於坊今牧於衛關一海便宜

關一
川煩碎方圓並關一思愛齊關五盜散萑蒲帝王兮

念功關二兮愛賜他山兮關三蓮兮鼃鼃關一之兮二天

勒之兮八字剖竹兮有光操觚兮無媿